



Inatsisartunut ilaasortaq Jess Svane, Siumut

- 2 MAR. 2016

NAMMINERSORLUTIK OQARTUSSAT  
GRØNLANDS SELVSTYRE  
INATSISARTUT ALLATTOQARFIAT  
BUREAU FOR INATSISARTUT  
BOX 1060 - 3900 NUUK

**Ilaasunik angallassinermut kiffartuunneqarnissamut isumaqatigiissutit pillugit § 37 naapertorlugu apeqquteqaammut nr. 2016-041-imut akissuteqaat**

Brevdato: 25-02-2016  
Sags nr. 2016 - 2348  
Dok. nr. 8302890

Asasara Jess Svane

Ilaasunik angallassinermut kiffartuunneqarnissamut isumaqatigiissutit pillugit apeqquteqaaternut nassiunneqartumut, Inatsisartut suleriaasianni § 37 naapertorlugu nassiussannut, qujanaq.

Postboks 909  
3900 Nuuk  
Tlf.: (+299) 34 50 00  
Fax: (+299) 32 52 86  
E-mail: isan@nanoq.gl  
www.naalakkersuisut.gl

Matuma kingulianiittut apeqquteqaatit akissuteqarfigineqarput:

**Qulimiguullinnik angallassinermi kiffartuussinissamut isumaqatigiissutit ukiumik ataatsimik ilaqinneqarnerani angallassivigissallugit kiffartuussinikkut isumaqatigiissuteqafigineqartut akitigut qanoq annertutigisumik allannguiffigineqarpat?**

**Akissut:** Kiffartuunneqarnissamut isumaqatigiissutaasut sivitsorneqarnerannut tunngatillugu akigititat allannguuteqarput. Billetpit akii 8 %-imik qaffapput + naleqqersuutini iluarsineq 1,5 %. Tamatuma saniatigut aamma Namminersorlutik Oqartussaniit angallannermut suliakiissutaasunut ataasiakkaanut kiffartuunneqarnissamut isumaqatigiissummut akiliummut akigititat qaffapput.

**1. Isumaqatigiissuteqarluni silaannakkut ilaasunik angallassiffiusuni akitigut nalimmassaasoqarpa?**

**Akissut:** Kiffartuunneqarnissamut isumaqatigiissutip sivitsorneqarneranut tunngatillugu, iluarsinertaqanngitsumik/nalimmassaanertaqanngitsumik sivitsuineq pineqarpoq. Neqeroortitsinermut suliap ingerlanerata ingerlasup nalaani, kiffartuunneqarnissamut isumaqatigiissutaalersussanut tunngatillugu akinut ilusiliinermik paasiuminernerusumik pilersitsinissaq sulissutigineqarpoq.

**2. Silaannakkut angallassinermi kiffartuussinissamik isumaqatigiissuteqarluni nunatta karsianiit tapiissuteqarfigineqartarluni angallaviusumi akit atortinneqartut qanoq nassuiarneqarsinnaappat?**

**Akissut:** Nunatsinni kiffartuunneqarnissamut isumaqatigiissuteqarfiusut tamaasa pingaarnertigut isigissagaanni, agguaqatigiissillugu angalasoq billetpit akiata 1/3-ata missaanik aammalu pisortat billetpit akiata 2/3-ata missaanik akiliisarput. Akigititat tamarmiisoq akiviusumik taaneqartarpoq.

Taamaattoq sumiiffiit kiffartuunneqarnissamut isumaqatigiissuteqarfiusut akornanni tapiissutit annertussusaat annertooujussuarmik nikerarmat oqaatigissallugu pingaaruteqarpoq, takuuk ilusilliaq matuma kingulianiittoq, tassani takutinneqarpoq 2015-imut kiffartuunneqarnissamut isumaqatigiissummi suliassanut Air Greenlandip siusinnerusukkut neqeroorutaanut 3/7 2014-imeersumut takussutissiaq. Ilusiliami takuneqarsinnaapput kaaviiartitat tamarmiusut (ilaasunit aamma kaaviiartitanit allanit), ilaasut amerlassusaat nalunaarutigineqartoq, angallassinermut suliassamut ataatsimut tapiissutit aammalu naggataatigut tapiissutit annertuussusaat procentinngorlugu naatsorsugaq.

Angallannermi suliassaq	Kaaviiartitat tamarmiusut (kr.)	Ilaasut (angallavinni amerlassusaat)	Pisortanit tapiissutit (kr.)	Tapiissutit annertussusaat (procentinngorlugu)
Qaanaaq distrikt	1.928.000	934	12.223.778	86%
Upernavik distrikt	4.889.000	4.455	11.865.778	71%
Uummannaq distrikt	5.621.000	9.467	17.475.778	76%
Qeqertarsuu tunuani distrikt	6.590.000	6.312	15.027.778	70%
Kujataa	23.334.000	30.135	32.317.778	58%
Ammassalik distrikt	9.341.000	11.846	7.887.778	46%
Ittoqqoormiit	2.012.000	1.459	7.173.778	78%
Kalaallit Nunaata avannaa aamma Tunu (suluusalimmik)	9.977.000	2.666	15.375.820	61%
Ilaasut piffissaq eqqorlugu angalasoqannginnerani sillimmasiissut			3.095.778	
<b>Katillugit</b>	<b>63.692.000</b>	<b>67.274</b>	<b>122.444.044</b>	<b>66%</b>

Assersuutigalugu Qaanaaq distriktimi tapiissutit annertussusaat 86 %-iuvoq Ammassalik distriktimi 46 %-iinnaalluni.

Distriktit ataasiakkaat iluanni tamatuma saniatigut angallaviit ataasiakkaat akornanni assigiinngissutsit annertooujussuupput. Assigiinngissutaasunut taakkununga assersuutini aalajangersimasunik takutitsinissaq siunertaralugu, apeqqutip akissuteqarfigineqarnissaanut Air Greenland paasissutissat pillugit aperineqarpoq. Taamaattoq kisitsisit taakkua pissarsiarinissaat iluatsissimangilaq, Air Greenlandimit paasissutissat ingerlatsinermi mianerisariaqartutut isigineqarmata.

### 3. Silaannakkut isumaqatigiissuteqarluni nunattalu karsianiit taperneqarluni angallassiffiusuni angallannerup ataqatigiinnginnerujussua ilisimaneqarnerluni?

**Akissut:** Kiffartuunneqarnissamut isumaqatigiissutit maannakkut atuuttut, taamanikkut angallannermut tunngasut akornanni ataqatigiissaarinermik pilersitsinissaq siunertaralugu isumaqatigiissutigineqarput. Taamaattoq pitsanngorsaanissaq inissaqartoq Naalakkersuisut eqqumaffigaat. Taamaattumik angallannermi

aaqqiissutissanik nutaanik pitsaanerusunillu pissarsinissamik Naalakkersuisut ilungersuuteqarneranni – neqeroortitsinissaq pisussaq aqqutigalugu – angallannermi aaqqiissutissat akornanni ataqatigiissaarinissaq suliaqartuusussat qulakkiissagaat, annertuumik pingaartinneqassaaq. Taamaattoq – aamma siunissami – suliaqarnerit pisariusumik ingerlasarneri, silamut tunngasut il.il. sillimaffigineqassasut naatsorsuutigineqarsinnaavoq.

Neriuutigaaara matuma siuliani allassimasuni apeqqutitit akineqarsimassasut.

Inussiarnersumik inuulluaqqusillunga



Knud Kristiansen